



Broj: 01/2-04-2890-4/22
Breza, 22.11.2022. godine

Na osnovu člana 70. i 72. stav (3) tačka a) Zakona o javnim nabavkama („Službeni glasnik BiH“, broj 39/14) i člana 39 Statuta Općine Breza („Službeni glasnik Općine Breza“ broj 7/21), na Preporuku Komisije za javne nabavke (broj 02/1-2-11-2891-11/22 od 08.11.2022. godine) u postupku javne nabavke robe: “Provedba mjera energetske efikasnosti na objektu Općine Breza u cilju uštede energije – zamjena dijela fasadne stolarije” Općinski načelnik, d o n o s i

ODLUKU

o dodjeli Ugovora trećerangiranom ponuđaču “Provedba mjera energetske efikasnosti na objektu Općine Breza u cilju uštede energije – zamjena dijela fasadne stolarije”

Član 1.

- (1) Prihvata se Preporuka Komisije za javne nabavke (broj 02/1-2-11-2891-16/22 od 17.11.2022. godine) i Ugovor za javnu nabavku robe: “Provedba mjera energetske efikasnosti na objektu Općine Breza u cilju uštede energije – zamjena dijela fasadne stolarije” dodjeljuje se trećerangiranom ponuđaču „VIZIJA“ d.o.o. Visoko, za ponuđenu cijenu od 94.500,20 KM bez PDV-a, odnosno 110.565,23 KM sa PDV-om, a u skladu sa ponudom Ponuđača (broj 01-717/22 od 21.10.2022. godine) i Izvještajem o toku i završetku e-aukcije (postupak br. 726-1-1-64/22).
- (2) Poništava se Odluka o dodjeli Ugovora drugorangiranom ponuđaču „DŽE-KA GRADNJA“ d.o.o. Visoko br. 01/2-04-2890-3/22 od 11.11.2022. godine.

Član 2.

- (1) Prijedlog Ugovora o nabavci dostavit će se na potpis izabranom trećerangiranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije drugorangirane ponude.
- (2) Izabrani trećerangirani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane Ugovornog organa o rezultatima postupka nabavke, a prema tački C 12.1 tenderske dokumentacije.
- (3) U slučaju da izabrani trećerangirani ponuđač ne postupi u skladu sa članom 72. stav (3) ZJN, ova Odluka će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, (www.breza.gov.ba), istovremeno s upućivanjem iste kvalifikovanim ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Ugovorni organ je aktom br. 01/2-04-2860-3/22 od 11.11.2022. godine donio Odluku o izboru najpovoljnijeg ponuđača „DŽE-KA GRADNJA“ d.o.o. Visoko, koja je istog dana uz Obavještenje o rezultatu postupka javne nabavke, Zapisnik i preporuku o dodjeli ugovora drugorangiranom ponuđaču, dostavljena ponuđaču „DŽE-KA GRADNJA“ d.o.o. Visoko i svim ponuđačima koji su učestvovali u postupku javne nabavke.

Izabrani ponuđač je bio u obavezi da u roku od 5 (pet) dana, zaključeno sa danom 16.11.2022. godine, dostavi dokaze o kvalificiranosti, član 45. stav (2) tačke od a) do d) Zakona o javnim nabavkama BiH, prema tački C) 12.1. Tenderske dokumentacije i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
Za dokazivanje odredbi člana 45. stav (1) tačka a), u vezi sa stavom (2) tačka a) iste odredbe Zakona, kandidati/ponuđači su dužni dostave uvjerenje Suda BiH i prvostepenog suda prema sjedištu pravnog lica, odnosno kandidata/ponuđača.
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Ponuđač „DŽE-KA GRADNJA“ d.o.o. Visoko je u ponudi dostavio sljedeće dokumente:

a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan- uvjerenje Suda BiH,

c) potvrdu nadležne poreske uprave iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje,

d) potvrdu nadležne institucije o uredno izmirenim obavezama po osnovu direktnih i indirektnih poreza,
i iste nije bio u obavezi ponovo dostavljati.

Obzirom da je ponuđač „DŽE-KA GRADNJA“ d.o.o. Visoko propustio u navedenom roku dostaviti originale ili ovjerene kopije dokumentacije iz člana 45.stav (2) tačke od a) i b), i to:

a)izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan-uvjerenje prvostepenog suda prema sjedištu pravnog lica, odnosno kandidata/ponuđača i

b)izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan,

u skladu sa uslovima iz tenderske dokumentacije, primjenom člana 72. stav (3) tačka a), Zakona o javnim nabavkama BiH, odlučeno je kao u članu 1. ove Odluke.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni glasnik BiH“, br. 39/14), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom. Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni glasnik BiH“, br. 39/14).

Predlagač: Služba za privredu, Salih Hasanspahić _____

Obrađivač: Jasmina Došlić _____

DOSTAVLJENO:

1x Svim kvalifikovanim ponuđačima koji su učestvovali u
postupku JN

1x Federalno ministarstvo prostornog uređenje

1x Služba za privredu

1x Služba za finansije, inspekcijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Vedad Jusić